



NAQQIUT

Nutserneqarnerani immikkoortut ilai ilanngutinngitsoorsimasut

9. marts 2012

UPA 2012/91

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiupparput:

2013-imi konto pingaarnermi 30.01.03 - *Sulianik ingerlatsisunut ilinniartitaaneq, isumaginninnermi siunnersuineq* – aningaasaliissutit iluini aammalu inuit annertuumik innarluutillit ikiorserneqartarnerat pillugu inatsit tunuliaqutaralugu meeqqat ADHD-ertut angajoqqaavisa ilaqutaasullu ADHD pillugu pikkorissartinneqartarnissaannik kommunit peqatigalugit ingerlatsinissamik Naalackersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaqaq Karl Lyberth, Siumut)

Tunnngavilersuut:

Kalaallit Nunatsinni meeqqat ADHD-ertut ikiorserniarlugit ilinniartitaanikkut allatigullu ukiuni kingullerni pisortaniit suliniutit qujanartumik amerliartorsimapput.

Ilaqutariit ersinngitsumik nappaatilimmik meerallit ikiorserniarlugit Danmark-imi misilittakkat pitsaasut ilagivaat angajoqqaajusut nappaammik pineqartumik paasisaqarnerulertinniarlugit qaammarsaanerit pikkorissaanerillu assigiinngitsut ingerlanneqartarneri.

Angajoqqaanut pikkorissaasarerit pineqartut aqutigalugit angajoqqaat ADHD-ertunik meerallit meeqqaminnik suli pitsaanerumik perorsaanissaminnut sakkussanik iluaqutaalluartunik tunineqartarsimapput, meeqqat pineqartut suli ajunnginnerumik atugaqalernerinik pitsaanerumillu perorsarneqarneranik peroriartornerinillu kinguneqartumik.

Taamaattumik piffissaasoraara nalilersuissasugut ilumut meeqqanut ADHD-rtunut angajoqqaajusunullu qanoq ittumik pikkorissaasarerit ingerlanneqartarsinnaanersut nutaamik isummersorfigissallugu. Tamanna angajoqqaajusunit apuussisartunit oqaatiginiarneqartarmat maannamut paasissutissat tunniunneqartartut ajunngittaraluaqalutik kisianni piffinniit piffinnut assigiinngiiaaqalunilu amerlasuunit paasiuminaatsuusinnaasoq pissarsissutaasinnaaneralu annertunerusinnaasoq.

Siunnersuutip uuma Naalackersuisut UPA 2011/43 meeqqanut inuusuttunullu periusissaq pillugu nassuiaamminni anguniagaannut kiisalu Akileraartarnermut Atugarissaarnermullu Ataatsimiititaliap isumaliutissiissutaani siunertaqartumik iliuuseqarnissamik oqaatigineqartumut naapertuuppoq.

Meeqqat ADHD-mik nappaateqartut ilaqutaat tamarmik pikkorissarneqartinneqarnissamik pisariaqartitsinngillat, pikkorissarnerilli annertuumik pisariaqartitsisutut isigineqartunut tamanut neqeroortigineqarnissaat kikkunnut tamanut inuiaqatigiinnullu pingaarutilerujussuuvoq, tamatumalu inuiaqatigiinni ataatsimut suliniutit pitsaanerulersissavaa.

Taamatuttaaq kommunini meeqqanut inuusuttunullu ADHD-mik naappateqartunut ilatuaannik suleqateqarlutik sulisunut aammalu innuttanut ADHD-mik nappaateqartunut ADHD pillugu pikkorissarnerit neqeroortigineqarnissaat pissusissamisussaaq.

Taqamattaaq siunnersuut una pineqartumi sulianut allanut IPIS-imik ingerlanneqaqartunut ataqtigiiffearpoq. ADHD-mik pikkorissarnerit nuna tamakkerlugu, inuiaqtigiinnut ilaqaataasunullu ADHD-mik ilisimasaqarnermik paasisitsiniaanermillu iluaqutaassapput.

Meeqqat pineqartut suli pitsaanerusumik atugaqalernissaat pinngitsoqarata soqtigigipput qularinnginnakku, aammalu angajoqqaat nappaammik pineqartumik paasisaqarnerunertik aqutigalugu meeqqaminnik pitsaanerusumik perorsaasinnaanissaat kisiat eqqarsaatiginagu, aammali ulluinnarni atukkaminnik oqilisaaffigineqarnissaat eqqarsaatigalugu, neriutigilluinnarpara aalajangiiffigisassatut siunnersuutiga paasineqarlualuni Inatsisartuni ilaasortanit tamanit taparserneqarumaartoq.

Pisortaqaqfimmud aningaasaqarnikkut aqutsisoqarnikkullu sunniutit

ADHD-mik pikkorissarnermik neqerooruteqarnerit aningaasartuutaassapput, siunnersuutilli uumap konto pingaarnermi 30.01.03-mi sinaakktitut aningaasaliussat iluanni pingaarnersiunikkut aningasaliisoqarsinnaasoq qulakkeerpaa, Naalakkersuisummi UKA 2011/85-imi apeqquteqaat aallaavigalugu oqallisissiap oqaluuserineqarneranni kontomi tassani aningaasaliissutit siunertamut atorneqarsinnaasut oqaatigimmasuk.

Namminersorlutik Oqartussat Annertuumik innarluutillit ikiorserneqartarnerat pillugu Namminersorlutik Oqartussat nalunaarutaanni nr. 19, 16. decemberi 2010-meersoq §§ 33 34-lu naapertorlugit kommunalbestyrelsi isumaqarpat pikkorissartitsinerimi peqataaneq annertuumik innarluutillip ulluinnarni inuuneranut pitsanngoriaataasinnaasoq annertuumik innarluutilinnut, ilaqaataasunut, ikorfartortitut ikiortinut allanullu pikkorissarnerit peqataanissanut ikiorsiisoqarsinnaasut aalajangersarneqarpoq. Siunertamut tassunga kommunit aningaasartuutaannut matussusiissutinik immikkoortitsisoqarpoq. Tamannaannarluunniit tunngavigalugu pikkorissarnerit Namminersorlutik Oqartussat kommunillu pitsaasumik suleqatigiinnerisigit qulakkeerneqarsinnaapput.

Siunnersuummut uunga aningaasatigut allaffissornikkullu kinguneqaatit Inatsisartut aningaasanut inatsisaata ataatsimoortup iluani pineqartorlu pillugu inatsimmi ilaatinneqareerput.